

連出非他處新濃也予恐內醫等未知如此而疑其日以故言之惡血
成塊必不易濃更鍼無益莫如易消之藥故問之順孫等與朴世舉等
議啓曰其腫處已爲死肌更無成塊之理無乃惡汁不能盡出故皮厚
之處纍纍如塊耶請令醫女診候爲藥何如傳曰知道○夜南方有氣
如火坤方艮方白氣布天○癸丑弘文館副提學沈彥光等上劄曰臣
等伏聞頃者 殿下以以輟經筵曠接卿士爲念下諭政院 聖旨懇
惻違豫慎攝之中庶政萬機有軫聖慮憂勤一念發見於言表臣等
不勝感激自 聖體愆寧茲歷時月一國臣民所共憂灼孰敢謂 殿
下少或怠於爲政夫帝王誠意正心之功不以疾病憂虞而有所間斷
况淵蛭蠖濩之中常有乾乾夕惕之心不爲宦官宮妾所移奪燕居之
際如對神明輟講之時若臨卿士則誠正之功恒在擴充之地若撻攬
摧綱整頓批政特幹運中一事耳昔晉武帝嘗患病屬小瘳侍中華嶠
與侍臣表賀因微諫曰收功於所忽事乃無悔慮福於垂成祚乃日新
願陛下遠思所忽之悔以成日新之福冲靜和氣蓄養精神頤身清簡
之宇留心虛曠之域無厭世俗常戒以忽群下之言嶠之此言豈非
殿下之所當省察哉 聖體漸平尚未快痊深宮有截婦寺在側醫官